

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հոկտեմբերի 2013թ.

N__-Ա

ՈՐՈՇՈՒՄ

**ՖՐՈՒՆԶԵ ԽԱՌԱՏՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի
օգոստոսի 31-ի «Հայաստանի Հանրապետությունում պետական և հասարակական
նշանավոր գործիչներին նվիրված հուշարձանների իրականացման կարգը հաստատելու
մասին» N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

Տալ համաձայնություն քաղաքական, հասարակական գործիչ Ֆրունզե Խառատյանի
հիշատակը հավերժացնող հուշատախտակը Լվովյան փողոցի հ. 7 շենքի ճակատային
մասում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ՖՐՈՒՆԶԵ ԽԱՌԱՏՑԱՆԻ ՀԻՇՍԱՍԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Ֆրունզե Արմենակի Խառատյանը ծնվել է 1927 թվականի սեպտեմբերի 29-ին, Երևանում:

1949-1954թթ. սովորել է ԵՊՀ իրավաբանական ֆակուլտետում: Եղել է իրավաբանական գիտությունների թեկնածու, դոցենտ:

1950-1970թթ. ԵՊՀ իրավաբանական ֆակուլտետում աշխատել է որպես դասախոս, պետություն, իրավունքի ամբիոնի դոցենտ:

1970 թվականին աշխատել է ՆԳՆ համակարգում՝ որպես Երևան քաղաքի ԲԽՍՍ բաժնի պետ, իսկ 1972 թվականից՝ որպես Երևան քաղաքի քրեական հետախուզության վարչության պետի տեղակալ, ունեցել է միլիցիայի գնդապետի կոչում:

1976-1979թթ. աշխատել է ԵԺՏԻ՝ որպես իրավունքի ամբիոնի դասախոս, 1991-1995թթ. եղել է Խ. Աբովյանի անվան հայկական պետական մանկավարժական ինստիտուտի իրավունքի ամբիոնի վարիչ:

Ֆ. Խառատյանը եղել է 1995-1999թթ.՝ ԱԺ առաջին և 1999-2003թթ. երկրորդ գումարման պատգամավոր, ԱԺ պետա-իրավական հարցերի մշտական հանձնաժողովի Երվոպառլամենտի փախստականների հարցերով մշտական հանձնաժողովի անդամ:

Նա եղել է ավելի քան 30 օրինագծերի հեղինակ, ՀՀ Սահմանադրական բարեփոխումների ժամանակավոր հանձնաժողովի անդամ: Եղել է ՀԿԿ խմբակցության ղեկավար, ՀԿԿ ԿԿ բյուրոյի անդամ:

Ֆրունզե Արմենակի Խառատյանը վարել է ակտիվ հասարակական-քաղաքական կյանք:

1999 թվականին հիմնադրել է Երևանի «Գալիք» համալսարանը, որի ռեկտորն է եղել մինչև 2012 թվականի դեկտեմբերի 25-ը:

Ֆրունզե Արմենակի Խառատյանը գիտական և քաղաքական ձեռքբերումների համար պարգևատրվել է մի շարք մեդալներով, մասնավորապես՝ Ալբերտ Շվեյցերի անվան մեդալ, Մ.Վ. Լոմոնոսովի 300-ամյակի մեդալ, Տիեզերագնացության 50-ամյակի մեդալ և այլն:

Ֆրունզե Խառատյանի հիշատակը հավերժացնող հուշատախտակը Նոր Նորքի 1-ին գանգվածի Լվովյան փողոցի հ.7 շենքի ճակատային մասում փակցնելու համար միջնորդություն է ներկայացվել ՀՀ մշակույթի նախարարի կողմից:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՖՐՈՒՆԶԵ ԽԱՌԱՏՑԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ֆրունզե Խառատյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՖՐՈՒՆԶԵ ԽԱՌԱՏՑԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ֆրունզե Խառատյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ